



Sivert K. Heilmann aamma Knud Kristiansen
Atassut

Piitsuussuseq pillugu § 37 aqutugalugu apeqquteqaat 40

Asasakka Sivert K. Heilmann aamma Knud Kristiansen

Apeqqtissinnut qujanaq.

Inuaqatigiinni piitsuussuseq assigiinngitsunillu atugassaqartitaaneq pinaveersimatinniarlugit Naalakkersuisut erseqqissumik anguniagaraat. Minnerunngitsumik ilaqutariinni meeralinni piitsuussuseq aamma inuusuttut sivisuumik suliffissaaleqisarneri, tassaapput piitsuussutsip pinaveersaartinniarnerani ajornartorsiutit imaannaangitsut.

Piitsuussuseq ajornartorsiutit ataatsimoorfigaat aningaasassaaleqineq kisiat isiginiarneqarsinnaanani, aammali ilaatitaaqarlutik ilinniagaqarsimannginneq, suliffissaasinnaasunik amigaaqarneq aamma inuunermi kingornuttakkat ajortut il.il. 2010-mi Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfiup avataaniit siunnersortinut suliaritippaa "Piitsuussuseq pillugu suliniut", tassanilu Kalaallit Nunaanni 2010-mi piitsuussutsimut suut pissutaaqataanersut allaaaserineqarput.

Suliniuummi piitsuussutsimut pissutaaqataasut allatorneqarsimasut Akileraartarnermut Atugarissaarermullu ataatsimiititaliarsuup isumaliutissiissutaani "Pigissaarnissarput atugarissaarnissarpullu massakkut iliuuseqarfigineqartariaqarput" (2011) allatorneqarsimasunut assingusupilussuupput. Naalakkersuisut pissutsinik allannguiniarnerminni ataatsimiititaliarsuup isumaliutissiissutaani allaqqasut aallaavigalugit pissasoq kissaatigimmassuk, tamanna ima paasineqassaaq, anguniarneqartoq assigiinngitsunik atuagassaqartinneqartut, piitsuussuserlu akiorniartariaqartut makkuninnga tunngaveqartut; sumiginnaanermik aamma ilinniarfiusinnaasunik suliffiusinnaasunillu periarfissanik pitsaasunik amigaaqarneq il.il.

Naalakkersuisut isummertarput inuiaqatigiinni ataatsimoortunik allannguisoqartariaqartoq, taamaammat pisariaqarpoq innuttaasut amerlanerusut piitsuussutsimit kaaviiartutut ittumit aniguisinnaanissaat tunngavilissallugu, piitsuussusermi pinngortarmat atavartumik amigaaqarnikkut pissaaleqinikkullu.

1. Misissorneqarsimanerluni inuiaqatigiinni piitsuussutsip ataani qasserpiaat inuunersut?

Kalaallit Nunaanni pisortatigoortumik piitsuussutsimut killeqartitsiffiunngilaq, taamaammat apeqqut siulleq tunngaveqarluartumik akineqarsinnaanngilaq.

16. feb 2012
Sagsnr. 2012-061322
Dok. Nr. 817566

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

Kisianni Akileraartarnermut Atugarissaarnermullu Ataatsimiititaliarsuaq isumaliutissiis-summini assigiinngitsutigut naatsorsuusiorsimavoq illoqtigiiaat ukiutik tunngavigalugit qanoq aggulunneqarsimanersut, aamma piitsuussutsip killingi pingasuusut eqqarsaater-sorfigineqarsinnaasut. Takuussutissiat ataatsimiititaliarsuup isumaliutissiissutaani qup-pernermi 379 aamma 380-imi takuneqarsinnaapput.

Kalaallit Nunanni piitsuussuseq killilerneqassappat pingaartuuvoq assigiinngitsut ilann-gullugit eqqarsaatigineqarnissaat, soorlu sumiiffinni aningaasartuutitut akiligassanullu inissiisarnerit, aamma apeqqut qutiutittariaqartoq tassaasariaqarpoq inuuniarnermut tunngatillugu aningaasartuutit, inuuniarnermummi aningaasarsiat aningaasarsiornerup inissisimaneranut pingaaruteqarmata, innuttaasunut aningaasarsiakitsunut aammali aningaasarsiakkaajunerusunut.

2. Misissorneqarsimanerluni meeqqat piitsuussutsip ataani qanoq amerlatigi-sut inuunersut?

Maannakkut naatsorsorneqarsimanngilaq meeqqat qassit piitsuussusiusinnaasup ataani inuunersut. Taamaattunik naatsorsuiniarneq aningaasatigut inuttarisatigullu atuinartoru-jussuupput.

Kalaallit Nunanni meeqqat qassit piitsutut inuunersut erseqqissumik kisitsisaatigine-qanngillat. Naatsorsuinerit misissuinermi "Kalaallit Nunanni meeqqat inuuniarnerat"-ni 2007-imi Meeqqat Inuusuttullu pillugit ilisimasaqarfimmi (MIPI) suliarineqarsimapput. Naatsorsuinerit takutippaat kalaallit meeqqat 9 %-ii illoqtigiit akissarsiaat naatsorsuuti-galugit isertitat appasinnerpaaffiisa 50 %-iisa ataani inissisimallutik inuusut. Misissui-nermi inuuniarnermut tunngatillugu aningaasartuutit ilaatinneqanngillat.

Kalaallit Nunaanni Naatsorsueqqissaartarfiup kisitsisaatai malillugit 2010-mi inuit 8325-t pisortanit ikiuutunik pisimapput. Illoqtigiit meerartallit pisortanit ikiuutunik pisimasut pillu-git paasissutissat kingullit 2008-meersuupput, takussutissartaalu Akileraartarnermut Atugarissaarnermullu Ataatsimiititaliarsuup isumaliutissiissutaani qupperneq 274-miippoq. Naatsorsorneqarnerisa takutippaat 2008-mi pisortanit ikiuutunik pisimasut amerlanersaat meeqqanut pilersuisussaataaangitsuusut.

3. Misissorneqarsimanerluni nunatsinni sumiiffikkaartumi sorlarni piitsuus-sutsip ataani inuusoqarnersoq?

Naalakkersuisut ilisimasaqanngillat sumiiffikkaartumik naatsorsuisimanernik – tassa piit-suussutsip killilerneqarsinnaaneri assigiinngitsut eqqarsaatigalugit. Kisianni amerlasuu-nik takussutissaqarpoq Kalallit Nunaanni sumiiffik apeqqutaatillugu aningaasarsiatigut akiligassatigullu qanoq assigiinngissuteqartoqartigisoq.

Nalunaarusiami "Nordregio: Kalaallit Nunanni najugaqarfiit – nunaqarfiit immikkut pine-rullugit" (2010), erseqqippoq Kalaallit Nunanni aningaasarsiat assigiinngitsorujussuusut, minnerunngitsumik illoqarfiit nunaqarfiillu akornanni, kisiannili aamma nunaqarfiit akor-nanni. Tassani aamma aningaasarsiorfiusartut assigiinngitsorujussuupput a-nik b-nillu akileraarutaasussanik aningaasarsiat qiviaraanni.

Nalunaarusiami tassani erseqqippoq aningaasarsiatigut assigiinngitsutsit ilaatigut anni-killisarneqartartut inuiaqatigiit tamarmiullutik aningaasarsiatigut nalimmassaaqatigiittarnerisigut assigisaatigullu. Tamanna aamma nalimmassarneqartarpoq inuuniarnermi aningaasartuutitigut, tamannalu ingammik nunaqarfinni atuuttuuvoq.

4. Misissorneqarsimanerluni utoqqalinersiaqartut/siusinaartumik sulisinnaajunnaarnersiutillit piitsuussutsip ataani qanoq amerlatiginersut?

Takkuk apeqqummut 1-imut akiussuteqaat.

5. Qanoq pilertortigisumik Naalakkersuisut apeqqutigineqartunut iliuuseqarnissamut suliniuteqarniarpat?

Naalakkersuisut Akileraartarnermut Atugarissaarnermullu ataatsimiititaliarsuaq pilersippaat allannguutissanut tutsuiginartunik tunngavissaqarusullutik, taamaaliornikkut Kalaallit Nunanni innuttaasunut tamanut inuulluarnerunissaq periarfissaqarnissarlu qulakkeermallugu.

Naalakkersuisunngorniariarluta piitsuussutsip assigiinngitsutigut nalilersorneqarsinnaasup akiorniarnissaa siunertaarput. Taamaammat Naalakkersuisut ullut tamarluinnaasa apeqqutitut qulaaniittunut tamaviaarnartunut aaqqiissutissanik ujartuisuarput.

Inussiarnersumik inuulluaqqusillunga

Med venlig hilsen



Mimi Karlsen